

Općinski sud uvažio prijedlog Kantonalnog tužilaštva

# Advokat Bajro Čilić OSTAJE U PRITVORU

Mjera pritvora Čiliću, osumnjičenom za posjedovanje droge koju je pokušao unijeti u zatvor određena zbog opasnosti uticaja na svjedoke - čuvaru koji su otkrili marihuanu

Sutkinja za prethodni postupak sarajevskog Općinskog suda Hasija Mašović je prihvatila prijedlog Kantonalnog tužilaštva i odredila jednomjesečni pritvor advokatu Bajri Čiliću, osumnjičenom za posjedovanje i pokušaj omogućavanja uživanja opojnih droga, odnosno jer je u sarajevski zatvor u ponedjeljak pokušao unijeti oko šest grama marihuane.

Advokatu Čiliću je pritvor, kako saznajemo, određen zbog opasnosti da bi mogao utjecati

na svjedoke, odnosno zatorske čuvaru koji su kod nje ga pronašli drogu.

Kantonalno tužilaštvo je nakon saslušanja Čilića prekvalifikovalo krivično djelo, pa ga sada sumnjiči za posjedovanje i pokušaj omogućavanja uživanja opojnih, umjesto prvobitne neovlaštene proizvodnje i stavljanja u promet opojnih droga, odnosno dilanja.

Uporedo sa krivičnim postupkom koji je pokrenut protiv advokata Čilića, kako nam je

**Uporedo sa krivičnim postupkom vodiće se i disciplinski postupak unutar Advokatske komore koji umnogome liči na onaj pred istražnim organima**

kazao predsjednik sarajevske Regionalne advokatske komore Fahrija Karkin, vodiće se i disciplinski postupak unutar

Komore koji umnogome liči na onaj pred istražnim organima.

“Uprava sarajevskog KPZ-a je Komori u utorak poslala dopis u kojem stoji da je kod advokata Bajre Čilića pronađena zeljasta materija koja asocira na marihuanu. Komora je pokrenula disciplinski postupak koji vodi jedan od pomoćnika disciplinskog tužioca Regionalne advokatske komore Dražen Zubak, a u kojem je Čilić saslušan prije hapšenja. Taj disciplinski postupak sličan je kri-



Bajro Čilić: Uhvaćen sa drogom

vičnom, samo što traje kraće, a u njemu će disciplinsko tužilaštvo i odbrana iznijeti svoje dokaze pred disciplinskim sudom”, pojasnio nam je Karkin.

Kod Čilića su, podsjećamo, u ponedjeljak zatvorski čuvari marihuanu pronašli u kutiji za cigarete. Pozvali su pripadnike Odjeljenja za narkomaniju MUP-a Kantona Sarajevo, koji su osumnjičenog saslušali i pustili, ali ga je u utorak naveče, po naredbi Tužilaštva, policija privela.

H. ROVČANIN